

O le a le galu lolo po’o le Tsunami?

O le galu lolo po’o le tsunami, o galu ia e mafua mai i fesuia’iga fa’afuase’i o le sami ona o se mafui’e, sologa o le lauele’ele ma mauga mū i le sami, ma ’alā-tetele e pau’u mai le vanimonimo (mitioa).

Aisea e mata’utia ai le galu lolo po’o le tsunami?

A amata mai se galu lolo e le’o se galu tele. Ae a latalata mai i matafaga ona fa’atupula’ia lea o le tetele o galu ma a’ave o le sami, ma e ono afaina ai soifua o tagata ma latou mea totino.

O le tele o taimi o le a le lava se taimi e tu’uina atu ai se lapataiga. O le tele o nofoaga tu lata i le sami o le a lofia i le galu lolo.

O le galu lolo:

- ✓ E pei o se lologa ua fa’atupula’ia ma e mafai ona fa’aleagaina ai mea totino.
- ✓ E saosasoa atu le galu lolo nai lau tamo’e.
- ✓ O se gasologa o galu e umi ma e ono faifai pea mo se taimi umi lava. Atonu o le galu muamua e le o le galu pito telē po’o le mata’utia lea.

O ni fa’ailoga va’aia o le galu lolo:

- ✓ O se mafui’e malosi tele ua luluina ai gataifale ua fa’afaigata ai ona e tu sa’o i luga.
- ✓ O le fa’afuase’i lea ona mou atu o le sami i tai ma toe sau fa’avave i uta.
- ✓ O se leo tele (e pei o le ta’avili o le afi o le va’alele ma le pāpā o faititili) mai gataifale.

O le a la’u mea e fai pe a ou va’aia nei fa’ailoga?

- ✓ Ia to’a filemu.
- ✓ Ia vave alu i nofoaga mauululuga, po’o ni fale mauululuga e malosi ma e tele ni fogafale, ma nofo ai loa.
- ✓ Aua ne’i fa’aaogaina ni ta’avale ae ia fa’aavanoa alatele mo ta’avale la-vea’i (EMS, DPS, TEMCO, ma le ASFD).
- ✓ Ia e fa’amamao ese mai matafaga se’i maua se fa’amatalaga mai ta’ita’i “ua saogalemu mea uma.”

O ai e afaina i le galu lolo?

- ✓ O so’o se tagata nofo mau, tagata asiasi, fale pisinisi po o ni isi fale o tu i luga o le matafaga po’o gataifale.

O a’afiaga ma mafua’aga o galu lolo:

O le tele o galu lolo e mafua mai ona o mafui’e ma sologa i lalo o le sami. O se galu lolo e mafua mai i se mafui’e i lalo o le sami e fa’apea:

- 1 O fete’ena’iga vave o papa tetele i lalo o le sami e fa’ata’alise ai ona tuleia le sami i luga i se malosi tele.
- 2 Ua fa’atupula’ia ni galu malosi ma le saosasoa e aga’i atu i itu uma lava mai le mea na amata ai le mafui’e, ma e o’o atu le saosasoa i le 600 maila i le itula.
- 3 A o’o ina taunu’u mai nei galu saosasoa i le matafaga ona fa’atupula’ia pea lea o le mauululuga o le galu lolo.
- 4 O le mauululuga o nei galu fa’atasi ai ma le tetele o le a’ave ma tafega e lamatia ai soifua ma fa’aleagaina ai mea totino.



Ua e silafia...?

- ✓ E 600 maila le saosasoa o le galu lolo i le sami loloto/moana.
- ✓ O le a’ave o galu lolo e mafai ona o’o atu i le 35 maila i le itula.
- ✓ E iai galu lolo e mafai ona mafua mai i se mafui’e o tupu i se mea mamao, ma e tatou te le lagonaina le luluina o ia mafui’e.

O ni isi fa’amauga e fa’atatau i galu lolo po’o le Tsunami:

- ✓ E le o mafui’e uma e tutupu ai galu lolo.
- ✓ O galu lolo laiti i isi o nu’u e mafai ona avea ma galu lolo mata’utia i isi nu’u.
- ✓ O le galu lolo e mafai ona tupu i gataifale uma o Samoa i so’o se taimi ma so’o se aso.
- ✓ O ni isi o taimi e pau lava le lapa-ta’iga o le a e maua o le na’o le luluina o le mafui’e.
- ✓ E mafai ona taunu’u mai se galu lolo i le atunu’u i ni nai minute talu ina luluina le mafui’e.

Ofisa o Lapata'iga mo Galu Lolo

Vaega e 4 o Fa'asalalauga:



- Fa'alavelave Mātuaia!
- Aga'i loa i Nofoga Maualuga!
- Mulimuli i Fa'atonuga tau fa'alavelave.

Lapataiga

- E mafia ona malolosi ma si'isii'i tulaga o le tai.
- Nofu uta i ta'iala mo Fa'alavelave Fa'afuase'i.



Fautuaga

- Tulaga fa'alavelave e mafai ona afaina ai.
- Nofu uta mo ni isi fa'amatalaga.



Nofu Va'ava'aia



- Ia to'a filemu.
- E leai se fa'alavelave.
- O lo'o iai se vaega o le sami e mamao ese mai le atu-Samo o lo'o tupu ai se fa'alavelave.

Fa'amatalaga o Fa'aliga

Uiga o Fa'amatalaga mo Galu Lolo mai le Ofisa Va'ai Tau:

Lapata'iga:

Ua iai se lapata'iga mo galu lolo. O le a lofia matafaga ma nofoaga maualalalo i le malolosi o galu, ma e mafia ona sili atu ma le itula le aga'i mai pea o galu i gataifale o le atunu'u.

Fautuaga:

Ua iai se fautuaga mo galu lolo e mafia ona mafua ai galu malolosi ma e ono si'isi'i ai tulaga o le tai; ae o le a le lofia pe fa'aleagaina nofoaga maualalalo.


Nofu Va'ava'aia:

Ua iai se mafui'e malosi ae mamao lona tulaga ma le atu-Samoa, ma e mafia ona mafua ai ni galu lolo e ono va'aia i le atunu'u. Ia sauna e aga'i atu i nofoaga maualaluga pe a folafola mai se lapata'iga mo galu lolo.

Fa'amatalaga o Fa'aliga:

O lo'o iai se mafui'e i se vaega o le sami e mamao ese ma le atu-Samoa, ae o le a le afaina ai gataifale o le atunu'u.

Ia Nofu Sauni ae le'i o'o mai le Galu Lolo!



⇒ Ia e silafia tala'aga o galu lolo sa afaina ai le atu-Samoa ma le maualuga e au ai lologa mo nofoaga maualalalo.

⇒ Ia e silafia to'omaga i totonu o nu'u mo taimi o fa'alavelave.

⇒ Ia e silafia le auala e aga'i atu ai i to'omaga i totonu o nu'u.

⇒ Ia iai se fuafuaga sauna mo fa'alavelave fa'afuase'i a aiga.

⇒ Sauni lelei vai taumafa, o mea'ai apa, o vaila'au ma mea totino mo taimi o fa'alavelave fa'afuase'i mo aiga i aso e tolu (3). Teu lelei i se vaega o lou maota e mafia ona tapa vave i ai.

⇒ Ia nofo sauniuni i taimi uma lava ma ia lava mea'ai ma vai taumafa mo se lua vaiaso aua tai mi o fa'alavelave fa'afuase'i.

Mo ni isi fa'amatalaga mo galu lolo:

www.tsunami.gov

